

castigat Christianos; et tamen certum est Deum eis non dedisse imperium in Christianos; imo Lutherus hoc ipsum fatetur, esto docuerit Turcæ non esse resistendum, eo quod Dei voluntate ad nos veniat ad nos castigandum; Sicut, inquit, virgæ patris filius resistere non debet. Quia in re turpiter errat; aliud est enim virga inanima, aliud tyrannus: huic resistere licet, illi non, cum a patre aliove ius habente infligitur.

Deus tamen ordinavit Nabuchodonosori tyrannidem ad puniendam Iudæorum, cum aliarum gentium peccata, patet primo, ex eo quod Deus se facturum dicit, id quod Chaldæi et Assyrii facturi erant: quod enim quis facit per alium, perinde est ac si ipse faciat, ut habet regula iuris. Secundo, hac de causa Deus dicitur præcepisse Persis, ut invadant Babylonem, Ierem. 50. 21. utque omnes interficiant, et nihil in ea relinquant ibid. v. 26.

I. Tertio, quia Ierem. 27. 6. dicitur Deus dedisse Nabuchodonosori omnes gentes, ut serviant ei septuaginta annis.

II. Quarto, quia excidium Babylonis vocatur opus Dei, id est, divinæ iustitiæ et vindictæ, Ierem. 50. v. 25.

V. Quinto, quia Deus pro opere hoc suo, in quo ei materialiter servierat Nabuchodonosor, tredecim annis obsidendo et expugnando Tyrum, quasi in præmium et mercedem materiale promittit ei Ægyptum, Ezech. 29. 19. Dico materialiter: non enim fuit hic formale et intentum meritum: ergo nec formalis merces.

VI. Sexto, quia benedicuntur, et benedicti dicuntur qui Deo in hoc opere sancto iustitiæ subserviunt, esto materialiter id tantum faciant, cum formaliter non Deo, sed suæ ambitioni et avaritiæ servire intenderent. Sic Psal. 136. 8. dicitur: *Beatus (Cyrus) qui retribuet tibi (o Babylon) retributionem, quam retribuisti nobis: beatus, qui tenebit, et allidet parvulos tuos ad petram.* Sic benedictum dicitur lignum (arcæ Noe) per quod facta est iustitia, Sapient. 14. 7. Arca enim servans iustum Noe, laxavit quasi manus Deo, ut ceteros peccatores perderet diluvio. Sicut enim opus iustitiæ sanctum et beatum est, ita qui ei quoquo modo cooperantur, etiamsi materialiter tantum, sancti et beati vocantur; sed eatenus dumtaxat, quatenus illi operi sancto cooperantur.

E contrario de Babiloniis punientibus et vastantibus Moabitas dicitur Ierem. 48. 10. *Maledictus qui prohibet gladium suum a sanguine*, q. d. Infelix sit ille et male illi cedat qui opus hoc iustitiæ divinæ remisse peragit, qui reos Moabitas non occidit, sed eis parcat: nimirum loquendo in genere et abstrahendo ab hoc vel illo qui tyrannice eos vel iniuste invadit, tantumque spectando opus hoc prout est opus iustitiæ et vindictæ divinæ, quam Deus vult peragi. Sic enim licitor vel carnifex, qui in hoc opere eiusque executione negligens est, maledici et puniri meretur. Opus ergo hoc, puta excidium Moabitarum, prout erat opus iustitiæ divinæ ab eaque decretum, iustum et sanctum erat; et quicumque ei cooperabantur, iuste et sancte agebant, erantque benedicti: quatenus vero idem opus peractum est a Chaldæis, suas opes et imperium augere volentibus, eatenus fuit opus tyrannidis et rapinæ, ideoque iniustum et maledictum.

Can. 37. Deus Chaldæis, Assyriis, aliisque tyrannis dicitur præcepisse, et evocasse, excitasse, immisisse eos ad invadendam Iudæam, aliasque gentes, non quod positive et directe eos excitavit ad hanc tyrannidem, sed quod tyrannidem eorum prævisam sua providentia ita rexit et flexerit ut non nisi in Iudæos et gentes punitioni a se destinatas erumperet. Omnis enim Dei providentia et ordinatio in Scriptura vocatur præceptum, evocatio, suscitatio. Deus enim præsidet ipsis voluntatibus malis, easque regit et gubernat, ut, licet vitio proprio malæ sint, tamen Dei providentia ad unum potius malum quam ad aliud ferri sinantur. Docet id S. Aug. in Psal. 73. *Impietas, inquit, eorum tamquam securis Dei facta est: facti sunt instrumentum irati, non regnum plerati.* Adducit deinde S. Aug. exemplum virgæ, qua pater castigat filium, deinde

A ipsam virgam in ignem conicit. Impii enim sunt virga qua Deus pios castigat; sed iis castigatis impios in gehennam conicit. Clarius idipsum docet Hugo Victorin. lib. 1. de Sacram. p. 5. c. 29. *Deus, inquit, malis voluntatibus non dat corruptionem, sed ordinem: Velle enim malum, malum est, et a mala voluntate est: quod autem potius ad hoc quam ad illud est, bonum est; quia ordo est, et ex bene disponente (Deo) est. Potest ergo voluntas mala in se corrumpi, et resolvi per proprium vitium, quod ei aliunde non datur: sed non potest per velle extra se præcipitari, nisi qua ei via aperitur. Et qui præcipiti qua vult, ad ruinam viam aperit, quodammodo ipsam inclinat non impellendo, sed permittendo et non tenendo; nec auctor illi est ruendi, sed incedendi ordinator.* Sicut ergo qui leonem vel canem furiosum manu ligatum tenet, et nunc eum continet, ne hunc illumve amicum mordeat, nunc hoste trans-eunte eum laxat et dimittit, dicitur in eum leonem vel canem immisisse: ita Deus omnipotentis suæ manu ligatas tenet omnes impiorum voluntates: et cum eas laxat, atque in hoc malum, non in aliud ferri sinit, dicitur eas ad hoc excitare, vel immittere: quia sine eius laxatione, et quasi consensu sive venia imo concursu, in hoc malum erumpere non potuissent. Ita ergo laxavit Chaldæos, permisitque eos invadere Iudæos non Indos.

B Adde, Deum dici eos excitasse. Primo, quia, ut dixi ca-Quomo-
none præcedenti, eis ingentes animos, vires, opes et vi-do Deus
ctorias dedit. Animos, inquam, ad magna audendum, et excitavit
ad imperium longe lateque propagandum. Secundo, quia Chal-
menti eorum obiecit Iudæos et alias gentes, quasi opulen-
tas et facile subiugabiles. Tertio, quia per Ieremiam alios-
que Prophetas prædixit, Nabuchodonosorem illas subiugaturum, seque velle ut omnes ei serviant septuaginta an-
nis. Quid hoc erat aliud, quam illi classicum canere, il-
lumque quasi evocare ad invadendas alias gentes? nec
enim dubium est, quin Nabuchodonosor partim ex nuntiis
et legatis, partim ex transfugis, partim ex communi ru-
more et fama id cognoverit; ideoque ipse præcepit Nabuzardan in expugnatione Hierosolymæ, ut Ieremiæ, quasi
sibi faventis curam gereret, eumque benigne tractaret
cap. 39. v. 11. Quarto, quia exterius obieciebat impedi-
menta, quæ diverterent Nabuchodonosorem ne invaderet
alias gentes, et amovebat impedimenta quæ planam qua-
si viam ei facerent ad invadendum Iudæos, et gentes quas
per eum punire volebat. Sic Ezechiel 21. 21. cum Nabuchodonosor iaceret sortem per duas sagittas, ex eaque
quereret omen, an contra Ammonitas, an contra Ieru-
salem pergere deberet; Deus fecit ut sors caderet contra
Iudæos, itaque eum quasi impulit ad invadendam Ieru-
salem. Sortes enim, ait Sapiens, *in sinum mittuntur, sed a Domino temperantur et disponuntur.* Porro quomodo
Deus hoc bellum ad quod convocat Chaldæos, vocet san-
ctum, dicam Ierem. 6. 4.

Nomina abstracta pro concretis poni solent, tum active, tum passive, ut *formido* vocatur Nabuchodonosor terribilis, qui formidinem iniecit Iudæis totique orbi, Isaiæ 2. v. 19. Sic Priapus in hortis vocatur ab Horatio *avium formido*. Tum passive, præsertim cum actus aut potentia ponitur pro obiecto. Sic Deus dicitur *amor, spes, timor noster*, id est a nobis summe amandus, sperandus, timendus. Sic Psal. 70. 5. dicitur: *Tu es patientia mea, Domine*, id est, tu es propter quem patior. Sic Ecclesia, et S. Paulus Ephes. 3. 10. et Coloss. 1. 16. angelos vocat alios *Dominaciones*, id est dominantes; alios *Potestates*, id est potentes; alios *principatus*, id est principes, etc. Sic Isaias c. 60. 17. ait: *Ponam visitationem (id est visitatores) tuam pacem (id est pacificos) et prepositos tuos iustitiam*, id est iustissimos, ita ut videantur esse norma iustitiæ, ipsaque iustitia.

Climata, seu plagæ orbis in Scriptura consignantur iuxta situm Ierusalem et templi, inquit S. Hieron. in illud Zachar. 2. 6. *De terra Aquilonis.* Hinc Ægyptus dicitur esse ad Austrum, scilicet respectu Hierosolymæ. Ita Daniel c. 11. prædicit *reges Austri*, id est reges Ægypti conflicturos cum regibus Aquilonis, id est Syriæ, puta